



# mælkebøttestreet

Børne- og Ungehuset Mælkebøtten • Bo-enheden Ilasíaq • Bo-enheden Allu • Seqineq • Postboks 1335 • 3900 Nuuk • [www.mb.gl](http://www.mb.gl)

---

*Meeqqat inuusuttuaqqallu  
inuunerissaarnissaat  
ineriartornissaallu pineqarpoq*

## MÆLKEBØTTECENTERIP UKIUMOORTUMIK NALUNAARUTAA 2020



## Imai

<b>Mælkebøttecenerimi attavissat</b> .....	3	<b>Allu-mit ukioq 2020-mut ukiumoortumik</b>	
<b>Asasara atuartog</b> .....	4	<b>nalunaarut</b> .....	14
<b>Ataqatigiinneq ataatsimoornerlu</b>		Najugaqarfik Allu .....	14
<b>– immitsinnut qanillinata</b> .....	5	Allu-mi ukiup ingerlanera .....	14
Meeqqat inuusuttuaqqallu inuunerissaarnis-		Meeqqat inuusuttuaqqallu ataatsimut .....	15
saat ineriartornissaallu pineqarpoq .....	6	Allu-mi ullut ingerlanerat .....	15
<b>Siulersuisut</b> .....	7	Aasaq 2020 .....	16
Allaffeqarfik .....	8	<b>Ilasiaq-mit ukioq 2020-mut ukiumoortumik</b>	
Najugaqarfinni aqutsisut .....	8	<b>nalunaarut</b> .....	17
<b>Mælkebøttecenerimi ukiup 2020-p</b>		Najugaqarfik Ilasiaq .....	17
<b>ingerlanera</b> .....	9	Ilasiaq-mi ukiup ingerlanera .....	17
Allaffeqarfik .....	9	Meeqqat inuusuttuaqqallu inissitat .....	18
Tunissutit .....	9	Ilasiaq-mi ullut ingerlanerat .....	18
Tunissuteqartartunut suleqatinullu qujanaq .	9	Corona pissutigalugu mattussineq .....	19
Ullorsiorneq .....	10	Kunngit Pingasut .....	19
Pisortatut pikkorissarneq ullullu		Poorski .....	20
periusissiorfiusut .....	10	Apersortinneq .....	20
Immikkoortortaqarfiit .....	10	Kapisillit .....	20
Piginnaanernik ineriartortitsineq .....	10	NuukKaptour 110 km .....	21
Nutaarsiassat .....	10	Illu .....	21
<b>Mælkebøttenimit 2020-mut ukiumoortumik</b>		<b>Tapiissuteqartartunut suleqatinullu</b>	
<b>nalunaarut</b> .....	11	<b>qujavugut</b> .....	22
Ulloq unnuarlu angerlarsimaffik			
Mælkebøtten .....	11		
Meeqqat inuusuttuaqqallu inissitat .....	11		
Anaalerivik .....	12		
Ummannamiit tikeraartoqarneq .....	12		
2020-mi feeriarneq .....	12		
Ornittagaq .....	12		
Juullimi orpiliarneq .....	13		
Ileqqut .....	13		

## Mælkebøttecenerimi attavissat

### MÆLKEBØTTECENTERI

ALLAFFEQARFIK

Aqqsinersuaq 27

00299 36 21 01

[www.mb.gl](http://www.mb.gl)

[info@mb.gl](mailto:info@mb.gl)

### Pisortaq, Kirsten Ørgaard

00299 36 21 02

00299 59 74 39

[oergaard@mb.gl](mailto:oergaard@mb.gl)

### Piginnaanernut Ineriartortitsinermullu Pisortaq, Flemming Horsfeldt

00299 36 21 06

00299 26 75 42

[horsfeldt@mb.gl](mailto:horsfeldt@mb.gl)

### Direktionsassistent, Maibritt L. Jensen

00299 32 21 05

00299 54 01 06

[maibritt@mb.gl](mailto:maibritt@mb.gl)

### Allaffimmi pisortaq, Elisabeth Geisler

00299 32 21 01

[geisler@mb.gl](mailto:geisler@mb.gl)

### Allafimmiu, Vivi Munk

00299 36 21 04

[vivi@mb.gl](mailto:vivi@mb.gl)

### Aqutsisoq, Anna U. Nørgaard

MÆLKEBØTTEN

John Møllersvej 8

00299 36 21 11

[aun@mb.gl](mailto:aun@mb.gl)

### Aqutsisoq, Pilu Noahsen

NAJUGAQARFIK ALLU

Avallia 22-24

00299 36 21 15

[noahsen@mb.gl](mailto:noahsen@mb.gl)

### Aqutsisoq, Nuka Fleischer

NAJUGAQARFIK ILASIAQ

Nigerleq 5

00299 36 21 20

[fleischer@mb.gl](mailto:fleischer@mb.gl)

Facebook-imi nassaarisinnaavatsigut Mælke-  
bøttecetret ujarlugu imaluunniit nittartagarput  
[www.mb.gl](http://www.mb.gl) alakkarsinnaavat

## Asasara atuartog

Mælkebøttecenerip 2020-mut ukiumoortumik nalunaarutaa tigummiarpat. Tassani Kalaallit Nunaanni meeqqat inuusuttuaqqallu sumiginnagaasimasut pillugit sulinerput paasiniaaffigineqarsinnaavoq.

Asannittumik inuulluaqqusilluta

*Mælkebøttecenerimi meeqqat sulisullu*



*Allannguisinnaanerput tulluussimaarutigaarput.*

## Ataqatigiinneq ataatsimoornerlu – immitsinnut qanillinata

Ukiup aallartilaarnerani Corona-mik nappaalaneq pulaartutut qaaqqusaanngitsutut takkuteriasaarpoq, tamatsinnullu ukiumik ajornartorsiutitalimmik misigititsilluni. Tamatsinnut ulluinnarmik ingerlatsiniarnitsinni meerartatsinnut, sulisorisanut aqutsisoqatigiinnullu ilungersortitsivoq. Naappaammut taamaattumut ilisimasagut killeqarput, oqaatigilluaannarlugu ilisimasaqarfiginngilarput. Ilisimasarnerulerpugulli, upalungaarsimanermut pilersaarusiorpugut, taannalu ukiup ingerlanerani najoqqutaraarput – pisortallu piumasaqaataat innersuussutaallu soorunami naalappavut.

Corona-p ajornartorsiortitsinerata aamma ataatsimiittarnerit suleqatinullu attaveqarnerput sunnerpai. Suliamut tunngasunik immikkut ilisimasalinnit, kattuffinnit il.il. pulaarneqartarpugut, sionratigumulli naleqqiullugu annikinnerusumik. Aamma pisortanik, aningaasaateqarfinnik allanillu tapiissuteqartartunik – annikkikaluumik – ataatsimeeqateqartarpugut (amerlasuutigut qarasaasiaq atorlugu). Tassa sionratigumut naleqqiullugu annikinnerusumik, tamatumani Covid-19 aamma attaveqatigiinnermut naalagaavoq.

“Angajoqqaat meeqqaminnik summiginnaasarnert akiorniarlugu nuna tamakkerlugu pilersaarut 2020-2030” Isumaginninnermut Inatsisinillu Atutsitsinermut Naalackersuisoqarfimmit suliaq aallaavigalugu, uanga – suliniuteqartut allat peqatigalugit – pilersaarutip piviusunngortinneqarnissaa siunertaralugu periusissiamik ujartuinikuuvugut. Tamatuma kingorna naalackersuisoqarfik suleqatigiissitanik pilersitsivoq, ulloq unnuarlu angerlarsimaffiit pillugit ukiunut qulinut periusissiamik suliaqartussanik. Suliaq tamanna sulii ingerlanneqarpoq 2021-mi naammassineqartussaalluni.

Periusissiaannaalli naammangillat. Pilersaarutit isumaqatigiissutillu massakkut iliuuseqarnermut alloriarfiusaqarput. Pingaartumik suliaasaqarfiit akimorlugit suleqatigiinneq nukittorsagassaavoq, pisortaappata, kattuffiit naalackersuisutiguunngitsuuppata imaluunniit suliffeqarfiit namminersortuuppata, salliutitsisoqartariaqarpoq. Ataatsimoorluni iliuuseqarnissaq pisariaqarpoq, pisortat kattuffiillu assigiinngitsut pisinnaasaat atorluarneqarlutillu ataqatigiissaartariaqarput.

Siusinaartumik iliuuseqarneq pitsaaliuinerlu aqqutissaapput. Suli. Tamanna meeqqanut sumiginnaasimasanut ilaqutariinnullu atuuppoq. Meeqqat inuusuttuaqqallu tusaaniarneqartariaqarput, pisinnaatitaaffiilu qulakkeerneqartariaqarput.

Meeqqat atuarfianni piginnaasaqarnikkut pitsanngorsaasoqartariaqarpoq, aqutsinikkut aamma pisinnaasat eqqarsaatigalugit. Tamanna meeqqatta ilinniakkamik ingerlatsisinnaanerannut tunngavissiiarnermi aqqutissatuaavoq, inuiaqatigiinni eqiigasumik innuttaaqataaleqqullugit, paarlattuanik inuttut suliaqanngitsutut ataatsimoornerullu avataniittutut inuuleqqunagit.

Persuttaasarneq kinguaassiuutitigullu atonerluinerit akuerineqarsinnaanngillat, persuttaasoqarsimanera imaluunniit atonerluisoqarsimanera paasineqaraangat piaartumik iliuuseqartoqartariaqarpoq. Qujanartumik ajornartorsiutit tamakku eqqumaffiginiarneqarnerulernikkuupput, paqumisuttarnerlu arriitsumik peerukkiartorluni.

Meeqqanuku siunissarigivut. Taamaamat meeqqanut aningaasaliineq Kalaallit Nunaata siunnissaanut aningaasaliineruvoq.

Inussiarnersumik inuulluaqqusillunga

**Kirsten Ørgaard,**

Cand.psych., Mælkebøttecenterimi pisortaq

## Meeqqat inuusuttuaqqallu inuunerissaarnissaat ineriartornissaallu pineqarpoq

### Mælkebøttecenterip tunuliaqutaa siunertaalu

Mælkebøttecenterip siunertaraa, immikkoortortani aqqutigalugit Kalaallit Nunaanni meeqqat inuusuttuaqqallu sumiginnagaasimasut inuunerisa atugaasalu pitsanngorsaavigineqarnissaat – kiisalu sumiginnaasarnerup pitsaaliorneqarnissaa.

Mælkebøttecenterip pilersinneqarnera tunuliaqutaqarpoq, inuit siunissamut ungasissumut takorluuisinnaasut, ukiut tusintilikkaat nikinnerisa kingunitsianngua, iliuuseqarnerannik. Isumassarsiaq Kalaallit Nunaanni Sulisitsisut Kattuffianni pinngorpoq, tamatumalu kingorna inuit tunniusimasut uteriillutik sivirusumik suliaqareernerisa kinguneranik 2006-mi Meeqqat Inuusuttuaqqallu Illuat Mælkebøtten pilersinneqarluni. Pisariaqartitsinerup kinguneranik suliarineqartartut ukiut ingerlaneranni amerliartorsimapput, ilaatigut immikkoortortaqaqarfinnik arlalinnik pilersitsisariaqalerneq – ullumikkut taakku pilersinneqartup siulliup ilaattut – Mælkebøttecenterimik taaguuteqarlutik ingerlanneqartut. Taamatut ineriartornerup nammineq uppersivaa, namminersortut ingerlataannik Mælkebøttecenterip siunertaatut, naleqartitaatut takorluugaatullu ittunik pisariaqartitsisoqarsimasoq sulilu pisariaqartitsisoqartuq.

Mælkebøttecenteri tassaavooq ornittagaq, meeqqat iggaviat, nipilersortarfik, meeqqat sumiginnagaasimasut pillugit nalunaarusiorfik, najugaqarfii Allu aamma Ilasiaq, Kapisilinni illu kiisalu allaffeqarfik. Tamakku saniatigut inuussuttunut 18-it sinnerlugit ukiulinnut najugaqarfinniissimasunut sernissuinermik siunnersuinermillu neqerooruteqartarpugut.

Naqitami uani Mælkebøttecenterip 2020-mi ingerlatai suliuniuteqarfiilu assigiinngitsut paasiniaffigineqarsinnaapput. Aamma suliaavut angusavullu pillugit nittartagarput [www.mb.gl](http://www.mb.gl) alakkarneqarsinnaavooq.

# Siulersuisut



Siulittaasoq  
Henrik Sørensen



Siulersuisuni  
ilaasortaq  
Lise Mørup Dalsgaard




Siulersuisuni  
ilaasortaq  
Preben Kold Larsen



Siulersuisuni  
ilaasortaq  
Inge Olsvig Brandt

## MÆLKEBØTTECENTRET



Siulersuisut 2020-mi pingasoriarlutik ileqqusummik ataatsimiipput. Tamatuma saniatigut mailikkut, oqarasuaatikkut, teams-ikkut kiisalu Siulittaasup Pisortallu ataatsimiittarnerisigut attaveqatigiittoqartuarpoq.

### Siulersuisut

- Henrik Sørensen (siulittaasoq, Sulisitsisut sinnerlugit ilaasortaq)
- Lise Dalsgaard (Lions Club Nuuk sinnerlugu ilaasortaq)
- Preben Kold Larsen (Nuuk Rotary Klub sinnerlugu ilaasortaq)
- Inge Olsvig Brandt (Kommuneqarfik Sermersuumi Kommunalbestyrelsi sinnerlugu ataatsimeeqataasartaq)



Mælkebøttecenteri eqeersimaartunik tunniusimasunillu siulersuisoqarpoq, centerip ingerlanneqarnerani pingaarutillit aamma suliffeqarfinnut namminersortunut, kattuffinnut pisortanullu attaveqarnermik qulakkeerinnittut. Avatangiisitsinni inuiaqatigiinnit tapersersorneqarneq – aningaasatigullu taperneqartarneq – meeqqanik inuusuttuaqqanillu sumiginnagaasimasunut inuunerinnerulernissamut ikiuisinnaanitsinnut pingaarutilerujussuuvoq.

### **Allaffeqarfik**

Kirsten Ørgaard, pisortaq, Psykologi

Flemming Horsfeldt, Piginnaanernut Ineriartornermullu pisortaq

Maibriit Lybker Jensen, Pisortap allattaa

Elisabeth Geisler, Allaffeqarfimmi pisortaq

Vivi Munk, Allaffimmiu

Psykologitut aningaasaqarnermullu pisortatut atorfiit matuma allanneqarnerata nalaani inuttaqanngilat.

### **Najugaqarfinni aqutsisut**

Meeqqat inuusuttuaqqallu illuanni ulluinnarni aqutsisoq Frederik Funk Jensen soraarnikuuvoq, Glen Svendsen taamanimiit aqutsisuugallarpoq.

Najugaqarfimmi Ilasiaq-mi Nuka Fleischer aqutsisuuvoq, Edith Norbeck taartaasartuulluni.

Najugaqarfimmi Allu-mi Pilu Noahsen aqutsisuuvoq, Pitsi Ottosen taartaasartuulluni.



## Mælkebøttecenerimi ukiup 2020-p ingerlanera

### Allaffeqarfik

Ukioq Covid-19-ip ajornartorsiortitsineranit tamatumalu kinguneranik killilersuutinit aporfissqartitsineranillu sunnerneqarpoq. Sorpassuit taamaatiinnarneqarput allarpassuillu digitalimik ingerlanneqarlutik. Teknologi qujanarsili, allatut ajornartumik ...

Tamakkiisumilli isiginnissinnaanerput annaanngilarput, suleqatigiilluarpugut aqqutissanillu nassaartarluta – ilaatigut isumassarsiatialannik – aporfissaasut nalaatavut qaangerniarlugit. Mælkebøttecenerimiittut tamarmik akisussaaffeqarlutik piumassuseqarnertik takutippaat. Suleqatigiinneq, eqaatsumik pissuseqarneq ataatsimoornerlu meeqqanut inuusuttuaqqanullu aammalu suleqatinut iluaqutaasussanik nassaarniarnermi ukioq naallugu sakkugaavut. Ilaasa angerlarsimaffiminni suliffeqarneq misilippaat, teams-ilu atorlugu ataatsimiittarnernut pikkorissingaatsiarpugut. Aamma ilikkarpavut immitsinnut qanillnaveersaarneq, allatut ilasseriaaseqarneq, eqquluisaarneq, tmatumunnga ilanngulugu sprittimik kiinnamullu assiaqutinik atuineq. Allatut oqaatigalugu naleqqussarnikuuvugut pisortalu maleruqqusaat naalallugit.

### Tunissutit

Siunertanut assigiinngitsunut suli tapiissutinik tunineqartarpugut. Assersuutigalugu Sorø-mi suleqatigii kommunimeersut namminersorlutillu suliffeqarfinneersut, suli Sorø-mi ullorsitutit saqqummersit-tarpaat, taakkulu tunineranni sinneqartoorutit Mælkebøttep meeqqanut iggavianut nakkartinneqartarput. Taakku saniatigut inuit ataasiakkaat Lions klubbillu assigiinngitsut, Rotary, Gaveregn, inuussutisarsiorlut, Nuummi Sulisitsisut aamma Soroptimisterne Danmarkimi assigiinngitsuneersut tapiissuteqartarput.

### Tunissuteqartartunut suleqatinullu qujanaq

Ataatsimut isigalugu ukioq 2020 Mælkebøttecenerimut ineriffiusimavoq. Corona-p annertuumik akornusersoraluaraatigut kingunissalinnik takussutissalinnillu naammassisaqarsimanerput nuannaarutissaavoq, tamannalu tamatta suli tunniusimalluta suleriaqqinnissatsinnut kaammattuutaavoq.

Tamanna pissutigalugu tapiissuteqartartunut suleqatinullu tamanut annertuumik qujassutissaqarput.

Ukioq manna Kunngissakkut nersornaasiinerannut peqataasinnaasut peqataasinnaasut killeqarmata, Mælkebøtteceneri peqataangilaq. HKH Kronprinsessip juullimut ilassinninnissaralua taamaatiinnarneqarpoq.

## Ullorsiorneq

Allaffeqarfimmi ullorsionnissaq aamma ulapputigaarput. Ilaatigut pisortatta Kirsten Ørgaard-ip ukiuni 15-ni atorfeqarsimanera aamma immikkoortartami pisortap Nuka Fleischer-ip ukiuni qulini Mælkebøttecenterimiissimanera malunnartinniarlugit. Taakku ukiorpanngortu-ni tunniusimallutik sulilluarsimanerat soorunami nalliuttorsiuutigisariaqar-mat.

Covid-19-p kinguneranik killilersuinerit pissutigalugit aqqissuussiniar-neq tamanna aamma allangortinneqartariaqarsimavoq Mælkebøttemiis-sinnaanginnatta. Ullorsiorneq Hotel Hans Egede-mi, killilersuutit tamaa-sa naapertorlugit, malunnartinneqar-poq kaffillertoqarluni septemberip 3-anni. Ulloq meeqqanut, sulisunut qaaqusanullu nuannisarfivoq.



## Pisortatut pikkorissarneq ullullu periusissiorfusut

Pisortatut pikkorissarnissaagaluarneq Learn2Lead-mit ingerlanneqartussaagaluartoq siullermik kinguartinneqarpoq kingusinnerusukkullu 2020-mi taamaatiinnarneqarluni.

## Immikkoortorta qarfiit

Mælkebøtti angerlarsimaffiillu Ilasiaq aamma Allu suli ajunngitsumik ineriartorput, meeqqallu inuus-suttuaqqallu amerlasuut tamanna iluaqutigaat – perorsaanikkut tarnikkullu.

## Piginnaanernik ineriartortitsineq

Sulisorineqartut ataavartumik nakkutigineqartumik ineriartortinneqarput, ilaatigut meeqqamiit isigin-nissinnaaneq perorsaariaaserlu akuersaartumik aallaavilik, pinngitsaaliisinnaaneq aporaannermilu akulerussinnaaneq, ikiueqqaarneq kiisalu sianissutsimut sunniisarneq sammineqarlutik.

## Nutaarsiassat

Mælkebøttecenteri 2020-mi nutaarsiassanik saqqummersitsivoq, nittartakkatsinni takuneqarsinnaasu-mik.

## Mælkebøttenimit 2020-mut ukiumoortumik nalunaarut

### Ulloq unnuarlu angerlarsimaffik Mælkebøtten

Mælkebøttep ulloq unnuarlu angerlarsimaffiutaa meeqqanut pingasuniit aqqanilinnut ukiulinnut qulingiluanut unnuiffiusinnaavoq. Meeqqat tassunga, inooqatigiinnermut tarnikkullu tunngasutigut nalunaarusiorfigineqarnissaat siunertaralugu, inissinneqartartut pillugit, meeqqap qanigisai – angajoqqaat, atuarfik, sunngiffimmi ornittagaq aamma inunnik isumaginnittoqarfik – suleqatiginiqartarput, meeqqamut sapingisamik suut tamaasa eqqarsaatigalugit aaqiissutissanik pitsaasunik nassaarniarnermi.

2020 ukiunit allanit allaaneruvoq, Corona pissutigalugu nuna matuneqarmat, atuarfiit, sunngiffimmi neqeroorutit il.il.. Taamaammat meeqqat tamaasa Mælkebøttenimi angerlarsimatittariaqarsimavagut, sulisut suut allannguutaasut piareersimaffigisariaqagaannik assiginngitsorpassuarnillu atuuffeqarfigisariaqagaannik. Ulluinnarni suliarisartakkatta saniatigut meeqqat allatut sammisassaqartittariaqartarpagut, meeqqanut paaqqinnittarfeqarnikkut, atuartitsinikkut, susassaqartitsinikkut, timersortitsinikkut, nipilersornikkut angerlarsimaffimilu suliasat ilinniartitsissutiginerisigut. Sulisorineqartut paarlakaajaallutik sulisariaqarsimapput tunillatsinnissamik ulorianartorsiornaveersaarumallutik.

Kikkut tamarmik killilersuinerup nalaani ullut sapingisamik naliginnaasutut ingerlanissaat anguniarlugu ilungersoqataapput. Atuartitsinerup meeqqeriveqarnerullu saniatigut aamma filmertarfiliorpugut, popcorninik mamakujuttunillu pilimmik, suliniutillu allat meeqqat ulluni naliginnaasuni illoqarfimmi periarfissarisartagaannut assigusunik.

Juullertinnagu ulloq unnuarlu angerlarsimaffiup naqqi iluarsaanneqarput, meeqqallu ornittakkami "aallaarsimaarput", inersuarmilu sinittarlutik. Aallaqqaataani meeqqat ornigutarfik kisimiillutik atoramikku nuannaraat, sivitsunngitsorli namminneq inigisatik maqaasilerlugit. Qujanartumik natilerisugut pilersaarutaasoq sioqqullugu naammassipput, meeqqallu sungiusimasaminnut utersinnaalerlutik.

### Meeqqat inuusuttuaqqallu inissitat

2020-p ingerlanerani meeqqat 15-it inissitaasimapput. Taakkunannga qulingiluat sivilisunerusumik inissiinerullutik, tassa ukioq ilivitsaq sinnerlugu sivilisutigisumik.

Meeqqat marluk nalunaarusiorfigineqareerlutik Mælkebøttecenterip immikkoortortaqaarfianut Alu-mut ingerlateqqinneqarput. Meeqqat tallimat Mælkebøttecenterip immikkoortortaqaarfiisa avataanni ulloq unnuarlu angerlarsimaffinnut allanut, angajoqqaarsianut imaluunniit namminneq angerlarsimaffigisaminnut ingerlateqqinneqarput.

Arfinileriarluni pinartumik inissiisoqarpoq.

2020-mi agguaqatigiisillugu meeraq ataaseq qaammatini arfineq pingasuni inissitaasimasarpoq.

## Anaalerivik

Pisarneq naapertorlugu Mælkebøttenip Orniguttarfiani illoqarfimmi meeqqat kikkulluunniit Mælkebøt-tecenterimilu sulisut peqataaffigisinnaasaannik anaalerisitsisoqarpoq. Ulloq nuannersumik ingerlavoq nappartanik anaalerisoqarluni, kunnginngortitsisoqarluni droninginngortitsisoqarlunilu, kingornati-gut ataatsimuualaartoqarluni kissartumik kakaoituuttoqarluni, boorlulerlugu mamakujuttuttuutoqar-lunilu.

## Ummannamiit tikeraartoqarneq

Junip 16-anni Ummannami meeqqat anger-larsimaffianniit tikeraartoqarpugut, taakku ajasoornartumik takutitsipput qilaatersorlu-tik erinarsorlutillu. Ulloq meeqqanut inersi-masunullu nuannerluinnarpoq.



## 2020-mi feeriarneq

Danmarkimut feeriarnissaq isumannaatumik angalasoqarsinnaalernissaanut kinguartinneqarpoq. Meeqqat qilanaalereeraluarput, tassami aasarsiortarfimmik inniminniisoqareerlunilu meeqqat peqa-tigalugit pilersaarusiortoqalereeraluarpoq. Aalajangernerli paasilluarpaat inuiaqatigiinnullu akisus-saassusilimmik pissuseqarlutik.

Meeqqalli feeriangitsoortinneqassanngimmata, - meeqqat peqatigalugit – ulluni 14-ini Kapisilinni il-lutsinni Seqinermiinnissaq pilersaarusiorneqarpoq. Peqataasut tamarmik nuannisarput, kuummukar-tarlutik, pinnguaatinik assigiingitsunik pinnguaateqarlutik unnukkullu grillerisarlutik.

## Ornittaaq

Ornittaaq ullut tamaasa ammasarpoq nal. 14:00-miit 17:45-mut, taava matoqqalaariarluni ammaqqit-tarluni nal. 19:00-miit 21:00-mut. Piffissap ingerlanerani meeqqat inuusuttuaqqallu ornittakkamut tak-kuttartut allanngorartarput. Ullut ilaanni tallimat qilillu akornanniissinnaallutik, ullunilu allani 20-25-it missaanniittarlutik. Piffissap ilaani aamma ajoraluartumik sulisussaaleqineq ajornartorsiutigaarput, taamaalisoqarneranilu ulloq unnuarlu angerlarsimaffik salliutittariaqarsimallugu.

Killilersuinerit pissutigalugit ajuusaarnaraluartumik ornittakami meeqqat amerlanerpaamik 25-iusin-naapput.

Corona-p tunillaassuunerani Kalaallit Nunaat martsimi apriliimilu matoqqatinneqarpoq, taamaam-mat aamma ornittaaq matoqqalluni. Facebook-imili quppernitsigut nalunaarutigaarput, ullut tamaasa sandwich-iliortarluta meeqqat inuusuttuaqqallu aasinnaasaannik.

2020-mi Playstations4-it sisamat pisiaraagut ornittakkamiittartunit atorneqarsinnaasunik. Tamanna nuannarineqarpoq, ullullu tamaasa atorneqartarput.

Meeqqat iggaviat aamma atorluarneqartorujussuuvog, malugaarput annertusiartuinnartumik meeqqat inuusuttuaqqallu nerisinneqarnissaminnik pisariaqartitsisut.

2019-imi ornittagaq ammanerani agguaqatigiisillugu ullormut meeqqanit 13,9-nit iserneqartarpoq.

2020-imi ornittagaq ammanerani agguaqatigiisillugu ullormut meeqqanit 21,4-nit iserneqartarpoq.

## Juullimi orpiliarneq

Killilersuisoqaraluartog meeqqat amerlanerpaaffigisinnasaannik killiliilluni, assaat spriterlugit immitsinnullu qanillivallaarata, Mælkebøttenip aammaarluni illoqarfiup meerartaanut inuusuttuarartaanullu orpiliartitsivoq, tamatumuuna meeqqat 70-it sinnerlugit peqataasussatut nalunaarsimallutik. Neqit sassaalliutigineqartut tamarmik Pisiffimmit tunissutaapput. Hotel



Hans Egede-p iganeq isumagaa aamma naatsiiat, naatsiiat sikatsitat, miseraq, rødkålit risalamande-lu tunissutigaat. Nerisassanut juullisiutinut mamarluartunut iggisissat sodavandit Nuuk Imermit tunisutigineqarput. Aaqqissuusineq naafferartumik ingerlanneqarpoq, killilersuutit malissinnaajumallugit, illu tamaat atorlugu. Suna tamarmi nal. 14:30-imiit 20:30-mut naammassineqarpoq. Meeqqat sulisullu nuannersumik ullorsiorput nerrillutik orpiliarlutillu – naggataagullu juulip inua takkuppoq, tunissutissanik agguajartorluni. Tunissutit meeqqanut ornittakkamiittartunut Mælkebøttecenterimullu meeqqanut inissitanut tunniussaapput ukunangga: MRH Dagmar, Nuuk Rotary Klub, Lions Club Nuuk, Nuummi Sulisitsisut, Helena aamma Svend Junges Fond, FADD aamma Julegaveregn.

Ulloq unnuarlu immikkoortortamiittut meeqqat arlallit juullikkunni angerlarallarnikuupput. Taamamat decembarip 26-anni Mælkebøttecenterip immikkoortortaarfii allat sinnikutoriarloqqullugit risalamande-titoriarloqqullugillu qaaquvavut. Ulloq ilorrisimaarfiuvoq, immitsinnut ilassiorluta juullip ulluisa kingorna eqqissisimaarpugut.

## Ileqqut

Ileqquliussat arlallit taamaattariaqaraluartut, ilaat nangissinnaasimavagut.

Ornittakkami Halloween-ertoqarpoq, peqataasunut iluatsitsiffioqisumik. Mamakujuttunik chipsinilu tamussersuutigaluni nuannisartoqarpoq aliortualersaartoqarlunilu, aamma "qarajammut-ersinaratumut" isernissaq periarfissaavoq, qunusuinnerilli kisimik taamaaliorput.

## Allu-mit ukioq 2020-mut ukiumoortumik nalunaarut

### Najugaqarfik Allu

Allu tassaavoq Mælkebøttecenterimi immikkoortortaq. Najugaqarfik august-imi 2014-imi ammarneqarpoq, illumilu najugaqartussat siullit iserterlutik. Allu-miisinnegartartut tassaapput 12-niit 15-inut ukiullit. Taamaakkaluartoq tassani najugallit 23-liinissamik tungaanut najugaqarsinnaatitaapput. Meeqqat amerlanerit inissinneqarnertik sioqqullugu inooqatigiinnikkut psykologiskimillu qulaajaavigneqareersimasarput.

Allu pilersinneqarpoq Mælkebøttenimi misilittakkat tunngavigalugit, tassani naleqartitat aqqissuuseriaatsillu aallaavigalugit. Illut affarleriit ataatsimoortitaapput ukiullu ingerlanerini nutartigaanermigut ullutsinnut naleqqullinnarpoq meeqqanut inuusuttuaqqanullu tassani najugalinnut sulisunullu.

Mælkebøttecenterimi pingaartinneqarpoq meeqqat inuussuttuaqqallu sapinngisamik ilaqutariippalaartumik atugassaqaqsinnissaat, tamaattumik illu sapinngisamik ilaqutariit angerlarsimaffiattut aqqissuussaavoq. Illup ilaternera aasami 2020-mi aallartinneqarpoq. 2021-mi aasamut qilanaarpugut, anginermik illoqalissagatta inuussuttuaqqat sulis marluk inissaqartilissallugit.

### Allu-mi ukiup ingerlanera

Ukioq 2020 Allu-mi ukiunit allanit allaanerusimavoq soorlu aamma allanut tamanut taamaattoq. Illu meeqqanik inissitanik ukioq kaajallallugu ulikkaaqajuarsimavoq.

Aasaq aallartilaartoq niviarsiaqqat ilaat apersortipopoq. Ilaqutai ilagalugit nalliuttorsiutigineqarpoq, tamarmillu ulloq nuannersoq misigisaqarfigaat. Pisarnertut nerisassarpassuaqarluniu kaagerpassuaqarpoq kiisalu erinarsuut pisortatta Kirsten Ørgaard-ip taalliorsimasaa atorneqarpoq, apersortittumit qaaqusanillu qullilissutigineqartumik.

Aasaq taanna kingusinnerusukkat inuussuttuaqqani angajullersarput 20-nik ukiulik sanasutut ilinniarluni naammassivoq. Ilinniarnermi naggataa Sisimiuni ingerlatereerlugu kiisami uppersaatisivoq. Naammassisaa tamatta tulluussimaarutigeqaarput. Soorunami pissusissaatut pisimasoq nalliuttorsiutigaarput, kaffillerluta allaaserisanngumillu nittartakatsinni atuarneqarsinnaasumik ikkussilluta. Angut inuusuttoq maanna namminerisaminik initaarikuuvoq inersimasutullu inuunermut avalassaarluni, ilinniagaqarluarsimalluni suliffittaarnissaminullu periarfissaqarluarluni.



## Meeqqat inuusuttuaqqallu ataatsimut

Inuusuttuaqqat meeqqallu ataatsimoorlutik akuleriilluarput. Illoqatigiinni uummaarinnerusumik pinnguarfiunerusumillu pissuseqarnerup Allu-mi illoqatigiit qiimanerannik pitsaasumillu imminnut sunniuteqatigiinnerannik kinguneqarpoq. Nutaat sungiussilluarput, meeqqallu ukiumikkut nikinganga-luarlutik ataatsimoorlutik sammisaqallaqqipput.

Inuusuttuaqqat tamarmik (ataaseq kisimi pinnani) meeqqat atuarfianni atuartuupput. Niviarsiaqqat angujullersaata atuarnini aasakkut 2020-mi naammassivaa. Tamatuma kingorna Danmarkimi idrætsefterskolemiilerpoq, tamanna si-visuumik kissaatiginikuullugu assut qilanaarinikuuaa. Niviarsiaqqat allat anginerit tamatumingga sunnerneqarlutik aamma efterskolerusulernikuupput.


## Allu-mi ullut ingerlanerat

Ukioq 2020 ullunik allaalluinnartunik misigisaqarfivuoq, pingaartumik mattussaaqqanerup nalaani. Kikkut tamarmik assamminnik spritserillutillu errukulasussaataapput. Minnerunngitsumik inuusuttuaqqat ullut tamaasa angerlarsimasussaataapput iPad-illu atorlugit atuartitaallutik. Tamanna pingaartumik inuusuttuarannngortunut ajornartorsiortisivoq, ikinngutitik ilagisinnaanagit, klubbinnukarsinnaanatik inuusuttoqatillu allat naapissinnaanagit. Tamatta iluaassiuutigineqarnera malugaarput. Taamaamat inuusuttuaqqat ataatsimoorluttarnerat akulikinnerulaartumik ingerlattarparput, pingaartumillu mattussinerup aamma aasaanerani sulingiffeqarnerup nalaanni. Amerlanerit pisariaqartissimavaat illumi malittarisassat tusaqqinnissaat, tamatsinnut illumiiinneq toqqissisimanarlunilu ilorrisimaarnartuuniassamat. Qujanartumik suna tamarmi oqinnerulerpoq, pisortat atuarfinnik, klubbinik minnerunngitsumillu pisiniarfinnik sutorniartarfinnillu ammaasseqqimmata.


Pissutsit allanngoraluartut inuusuttuaqqat illumi ulluinnarni pisussaaffitik pisarnertut aalluttuarpaat. Initik saligaatsuutillugillu torersuutittarpaat. Tallimannngornerit tamaasa unnukkorsioreernermi makujullertoqartarpoq, sulisut inuusuttuaqqallu ilorrisimaaqatigiinneranni, ilaannilu filmertoqartarluni.

Sammisaqarnissamat pilersaarut qaammatit tamaasa suliarineqartarpoq. Sapinngisamik pilersaarut naapertorlugi inuusuttuaqqat sammisassaqtinniarparvut, ilaatigulli allannngortitsisariaqartarpugut. Pilersaarusiaq ukiup kaajallakkiartorneranut naapertuussarneqartarpoq. Ukiukkut sila ajortinagu sisorarfimmiikkajuttarpugut, aamma timigissartarfimmiittarpugut sulisut ilagalugit, kiisalu illup iluani ilorrisimaarneq sammisassaqtitsinerlu. Aasakkulli pinngortitamiinnerusarpugut.

Allu-mi ullormut pisassat allattarfimmi allattugaataasarput, meeqqallu tamarmik immikkut pisassaqar-



tarput soorlu, atisanik errorsineq, ner-riviliorneq nerisassiornerlu. Ataasin-gornerit tamaasa eqqiaasoqartarpoq, illu tamakkerlugu asaasoqarluni. Meeq-qat ikiuuttarput. Tallimangornikkut inigisat eqqiarneqartarput, kingornalu meeqqat sapaatit akunnikkaartumik kaasarfimmussatik pisarpaat. Corona-p illoqarfimmi meeqqanut inuusut-tuaqqanullu sammisaqartitsineq unit-sissimagaa malugaarput.



*Lifti qummukartaatiatigut qum-mukarneq*



*Ukioq 2020 Annika sangusaarlu-ni sisorarneq iikkarpaa*


## Aasaq 2020

Ajuusaarnaraluartumik aasaanerani pisarnitsit angalaanngitsoorpugut. Soorunami sissaliartarnerit Danmarkimilu aasaq nuannersoq maqaasinaqaat, aasarli maani nunatsinni atornerarpoq, aalisariartarluta tamattalu Qooqqunukarluta. Aasaq ataatsimoornermut atorparput, immitsinnut allatut nuta-amillu nalunnginnerulerluta. Nallukattanik illersartunik assigisaannillu unammersuaartoqartarpoq, unnukkut ilorrisimaqatigiittoqartarluni minnerunngitsumillu aneerasaartarfitsinni nuannersumi gril-likkanik arlaleriangaatsiarluta nereqatigiittarluta. 2020-mi aamma Kapisilliarpugut. Sapaatit akunne-rini marlussunni nuannersumik Kapisilinniippugut juli/augustimi, aalisariartarluta, pisuttuarterluta kuullu eqqaani tupermi unnuisarluta – ippernarpassuillu.



*Aasaanerani sammisat*





*Kapisililiarlutik tamarmik aallarput. Nuannaqalutik qilanaalutillu.*

## Ilasiaq-mit ukioq 2020-mut ukiumoortumik nalunaarut

### Najugaqarfik Ilasiaq

Ilasiaq tassaavoq Mælkebøttecenterip immikkoortortaqarfia ukiuunerani 2011/2012-imi ammartoq, najugaqartussallu siulliit iserterfigisaat. Ilasiaq-mi najugaqalersussatut naatsorsuutigineqartut tassaapput pingasuniit aqqanilinnut ukiullit. Iliuissamut anguniakkanullu pilersaarutip naammassineqarnissaa tikillugu najugaqartoqarsinnaavoq, inuusuttuaqqalli 23-nik ukioqalernerannut najugaqarsinnaaneq killeqarpoq. Meeqqat Ilasiaq-mi najugaqartut amerlanersaat inissinneqartigatik inooqatigiinnikkut tarnikkullu pissutsitigut nalunaarusiorfigineqareersimasarput.

Ilasiaq Mælkebøtten-imi misilittakkat tunngavigalugit pilersitaavoq, naleqartitat aqqissuussinerlu aamma taakkuupput.

Illu immini ilaqutariit illorisimasaat, ukiut arlallit ingerlaneranni nutartigaavoq, ullumikkullu ullutsinnut meeqqat, inuusuttuaqqat sulisullu eqqarsaatigalugit sapinngisamik naleqqussagaalluni.

Ilaqutariit illuanniikkatta, tassani najugaqartut illu angerlarsimaffittut isigaat psiortat inissiisarfiattut isiginagu. Tamanna Mælkebøttecenterimut pingaartuuvoq – tassalu avatangiisit sapinngisamik ilaqutariippalaartut meeqqanut inuusuttuaqqanullu misigitinnissaat.

### Ilasiaq-mi ukiup ingerlanera

Allat amerlanerit assigalugit uppersarsinnaavarput ukioq 2020 tamatsinnut meeqqanut sulisunullu allaanerummat. Upernaaq aallartilaaginnartoq COVID-19 (Corona) pissutigalugu ernumaneq nalorninerlu siaruariartulerpoq. Ilasiaq-mi ukioq aallartilluarpoq qilanaarutissaqarlualuni pi-



lersaarusiortoqarluni, ilaatigut apersortitsinissaq pillugu, ungasissumut pisunnissaq, Danmarkimut feeriarnissaq il.il., Corona-li pissutaalluni nalornisoqalerpoq, ernumattattoqartalerluni kiisalu nagga-taagut pilersaarutit allangortittariaqalerlutik.

## Meeqqat inuusuttuaqqallu inissitat

Ilasiaq ukioq kaajallullugu ulikkaaqqavoq.

Nukarliit marluk qulingiluanik ukioqarput, akulliit pingasut aqqaneq marlunnik kiisalu angajulliit mar-luk 14-nik 15-inillu ukioqarlutik. Tassa ukiumikkut nikingarujussuannigillat, peqatiminnillu minner-paamik ataatsimik ilassaqarlutilluunniit pinnguaqatissaqartuaannarput.

Meeqqat tamarmik sivisujaamik Ilasiaq-miissimagamik imminnut ilisarimalluarput, imminnullu as-sigiinngitsutigut tapersersoqatigiittarlutik. Tamanna erseqqissumik takuarput inuusuttuaraatitta ilaat inuusuttuarangulernermik kinaassutsiminillu ujartuilluni ajornakusoortunik aqqusaagaqarnerani, meeqqat allat pingaarutilimmik ikiortaallutillu tapersersuimmata. Ataqtigiinneq ataasimoornerlu ta-koqqipparput corona pissutigalugu mattussinerup nalaani. Meeqqat tamarmik illumi ikiuupput, anger-larsimaffimmi atuartinneqarlutik, sammisassanillu allanik isumassarsiorluarlutik.

## Ilasiaq-mi ullut ingerlanerat

2020-mi nangittumik aalajaatsunk sulisoqarpugut, tamatuma kinguneranik nuannaartunik ingerlal-luartunik pitsaasunillu ileqqulinnik meerartaqarpugut. Sulisut aalajaatsut aamma isumaqarpoq (soor-lu eqqaareererput) niviersiaqqap piffissamik artornartumik, inuusuttuarangornermini kinaassutsimi-nillu ujartuinerminik aqqusaagaqarnerani eqqissinerulaarnissaanillu aqqutissieqataallutik aniguil-luarnissaanik isumaginneqataapput.

Mælkebøtteceterip immikkoortortaqarfii allat assigalugit Ilasiaq-mi isuma tunngavigisarput tassaa-voq, meeqqat alliertussasut naligiinnaasumik alliertornermut assigunerpaasumik. Taamaammat meeqqat sulisullu akornanni attaveqatigiinnermut tunngasut annertuumik sammineqartarput.

Ilasiaq-mi ukiuni arlalinngortuni periutsit aqqissuusinerillu aalajangersimasut naapertorlugit inger-latsisoqarmat, meeqqanut inuusuttuaqqanul-lu suut naatsorsuutigineqarnerisut aamma taakkuummata, 2020-mi nangillugu taamatut ingerlatseqqissinnaasimavugut.

Nerisassiornermi ullut tamaasa meeqqat ilaasa inersimasoq ikiortarjaa. Tamatuma saniatigut meeqqat assigiinngitsunik pisus-saaffeqartarput. Assersuutigalugu nerrivi-lionnermi ikiuutissapput, erruivik imaajassa-vaat, igitassat annisissavaat il.il.. Ilasiaq-mi meeqqat akisussaassuseqarlutik, maniguut-tuullutik ikiuimatuujullutillu alliertornissartik ilikkassagaat pingaartutut isigaarput.



Meeqqat oqaluttuunneqartarput sapaatit akunnerannut kaasarfimmiusaminnik tunineqassagunik aamma ikiuuttussaataitasut. Ataatsimoorluni iluaqutissanik nammineq ullut tamaasa suliassaasunik suliaqartussaataitaapput. Meeqqat annerit ilaatigut nammineq atisatik errortartussaavaat, tamarmillu ini-minni torersuutitsisussaapput.

### Corona pissutigalugu mattussineq

Martsip qiteqqunnerani COVID-19 pissutigalugu Nuuk matuneqarpoq. Tassa ilaatigut atuarfiit tarmik matuneqarput, meerartavut angerlarsimasussanngorlugit, angerlarsimaffimmilu atuartaasus-sanngorlutik. Sulisut atuartitsissutissat sammineqartussallu aqqissuullugit ulappuserput.

Ulloq aallartinniartarparput nipilersornermik aamma qitinnermik/timersornermik, meeqqat atuartineqarnissaminnut piareersimaniassammata. Sammisqaqartitsinerit ilaatigut tassaapput iffiorneq/ne-risassiorneq, pisuttuarneq, sisorarneq, sisuukalaarutersorneq, katiterissanik katiterineq, TikTok, ti-tartaaneq/qalipaaneq minnerunngitsumillu timip aalatilluarnissaa. Sapaatit akunneri marlussuit qaa-ngiummata sulisut meeqqat agguataartalerpaat, aporaattarneq pinngitsoorumallugu. Qularutissaan-gitsumik mattusimaneqarnerup nalaani piffissaq kingulleq sivisoor-suurtut misinnarpoq, piffissaq ta-maat ilagisat taakkuinnaasarmata.

Ilasiaq-mi ileqqulionneqarsimasut amerlanerpaat ingerlanneqanngit-soorput, COVID-19 pissutigalugu. Ilaatigut DHL-stafet-imi peqataa-neq aamma Brugsenip arpatsitsi-nera.



### Kunngit Pingasut

Januarip arfernanni Kunngit Pingasut/Mitaarfik nalliussineqarpoq. Ilisar-narunnaarsaarluni atisalersorneq pingaartorsiutigineqartarpoq, meeqqat inersimasullu ersinartunngorlutik atisalersortarput – sapinngisamik ili-sarnarunnaavillutik. Meeqqat sulisut angerlarsimaffiinukarajuttarput, ma-makujuttunnattarlutik allanillu pissarsisarlutik, tamarmik nuannaaruti-gisaannik.



## Poorski

Poorski poorskerpaluttunik qiortaalluta nuannisaqatigiillutalu nalliussivarput. Ileqqoq nuannerluinartooq, issiaqatigiitarneq qiortaalluni tamussillat-taajutigaluni.

## Apersortinneq

2020-mi apersortittoqaqqippoq. Niviarsiaqqat Ilasiaq-miittut ilaat junip 14-anni apersortippoq. Sulisut meeqqallu piareersaallutillu pilersaarusoqatigiipput. Apersortittoqarnerani kaffillertoqarpoq, unnuk-kullu nereqatigiittoqarluni. Tamatumani aamma pisortarput Kirsten Ørgaard apersortittumut erinar-suusiorsimavoq. Ulloq tamatsinnut puigunaatsuvoq, minnerunngitsumik ullormi inummut pineqar-tumut, nuannersumik qaaqqusarpassuaqarluni tunissutisiassarpassuarnillu tunineqartumut, apersor-tittumut.

## Kapisillit

Ukioq manna marloriarluta Kapisilinni illutsinni Seqinermiippugut. Kapisilinniinneq siulleg sapaatit akunnerinik marlunnik sivissuseqarpoq, piffissaq niviarsiaaraatitta 12-nik ukiullip najugaqarfim-meersunik inersimasunik marlunnik ilaqarluni Kapisilinnut pisunneranut (NuukKapTour) naleqqulluni. Aqqut 100 km-it sinnerlugit isorartussuseqarpoq ullut pingasut atorlugit apuuffiusoq. Meeqqat sulisul-lu tikilluaqqusinissaminnut piareeqqapput. Aasaanerani sulingiffeqarpugut nuannersumik kiattumiil-luta, pinngortitamiillutalu.

Angalanerup aappaa ukiaanerani angalaneruvoq. Tamanna Danmarkiliarnissaraluatta taamaatiinnar-neranik pissuteqarneruvoq. Peqataasunut tamanut Kapisilinniinneq, avatangiisillu allanngulaarnis-saannik pisariaqartitsinitsinnut pitsaasuvoq.

## NuukKaptour 110 km

2019 qiteqquttoq aalajangerpugut NuukKapTour-imut 2020-mi peqataaniarluta, ullut pingasut atorlugit Kapisilinnukarniarluta. Taava sungiusarnejq pimoorullugu aallartipparpur. Ilaatigut Fitness-mukartarnejq, pinngortitami pisunnerit sivilunerusut, arpannerlu ingerlappagut. Timikkulli sungiusarnejq kisimi sammineqanngilaq, aamma tarnikkut sungiusarnejq ilanngullugu eqqarsaatigissavaoq.

Arfininngornermi junip 28-anni niviarsiaaraaterput 12-nik ukiulik sulisut ilagalugit apuuppoq. Ulloq puigunaalluinnartuuvooq tamatta tulluussimaarutigisarpur. NuukKapTour-ip peqataaffigineqarnera meeqqanut inersimasunullu tamanut sunniuteqarluarpoq, peqqinnartumik inuuneqarusunnerulersitsilluni. GrønlandsBanken suleqatigalugu niviarsiaaraq NuukKapTour-imullu peqataanera filmiliarineqarpoq. Filmi Mælkebøttecenerip internettimi nittartagaani isiginnaarneqarsinnaavoq.

## Illu

Meeqqat inuusuttuaqqallu pillugit inatsit nutaaq, meeqqat inissitat tamarmik immikkut inissaqartinneqarnissaannik piunasaqaatitalik naapertorlugu, aalajangerneqarpoq illu ininik marlunnik ilaneqassasoq. Titartaasarfik tnt nuuk a/s suleqatigalugu allinerinissamik pilersaarusionerq annertoq aallartinneqarpoq. Upernaap naajartornerani sananeq aallartinneqarpoq, aneerasaartarfik piiarneqarluni eqqatsinnilu qaarsoq qaartiterneqarluni, alliliinissaq inissaqartikkumallugu. Sanaartornejq sulii ingerlanneqarpoq naatsorsuutigineqarlunilu majip 28-anni 2021-mi naammassineqassasoq.



# mælkebøttecetret

Børne- og Ungehuset Mælkebøtten • Bo-enheden Ilasiaq • Bo-enheden Allu • Seqineq • Postboks 1335 • 3900 Nuuk • [www.mb.gl](http://www.mb.gl)

## Tapiissuteqartartunut suleqatinullu qujavugut

Ukioq 2020 Mælkebøttecetrimut aporfissaqartitsillunilu pissanganartuuvoq. Ukioq kingumut takutit-sivoq ataatsimoorluta ikioqatigiinnitsigullu annertunerujussuarmik angusaqarsinnaasugut.

Naggasiutigalugu, Kalaallit Nunaanni meeqqanut inuusuttuaqqanullu iluaqutaasumik suleqatigilluarnitsinnut tunissutigineqartartunut annertuunut tapersorneqarnitsinnullu, qujajumavugut.

*Ataatsimoorluta allanngueqataasinnaavugut!*

